

續山東考古錄卷之十四

滄州葉圭綬子佩甫述

萊州府下

膠州

周介國又莒介根邑莒故都

春秋僖公二十九年介葛盧來朝杜注在城陽黔陬縣漢志黔陬故介國後漢志黔陬有介亭今失其址

又襄公二十四年齊崔杼伐莒侵介根杜注莒邑今城陽黔陬縣東北漢志計斤下莒子起此後徙莒師古曰即春秋左氏所謂介根也語有輕重後漢志黔陬下劉昭注計基城號

續山東考古錄

卷之十四

膠州

一 蝸角尖廬

介國是混介與介根為一也今計斤城側有介亭後所附會

漢徐州琅邪郡黔陬縣計斤縣拒縣邾縣又青州高密國夷安

縣地張奴水發源夷安東南阜州北都泊亦夷安潭地膠東庸生故里在州北七里庸村但未詳何縣地縣東界去壯武

城僅二里東北去即墨故城亦不遠當有二縣地

黔陬縣故城在西南八十里又稱東黔陬城今名牧馬城其

西北隔膠水二十里有西黔陬城今黔陬社寰宇記稱二城

相去三十里今從州志詳齊乘黔陬城在高密西六十里誤

計斤縣故城在西南五里今城子村

拒縣故城在東南四十五里又名王城今王昌社詳

邾縣故城在西南 里水經注膠水出黔陬縣膠山即五

今鹵山北逕祝茲縣縣字疑衍漢志無此縣也故城東又逕邾縣故城西

又北逕黔陬縣故城西晏謨伏琛並云縣有東西二城相去

四十里有膠水非也相去以下八字為一句今二城相去二十里縱古里較小亦不至倍差其數觀

下文西四十里有膠水是東城去晏伏所謂膠水里數非二城相去里數也斯乃拒艾水也水出

拒縣西南拒艾山即齊記所謂黔艾山今鐵櫟山東北流拒縣故

城西世謂之王城又謂是水為洋洋水矣又東北逕晏伏所

謂黔陬城西四十里有膠水者也又東入海今膠水北逕晏

伏所謂西黔陬城東地理志曰膠水出邾縣疑即是縣所未

詳也按東城之西固膠水所逕而不能在其西四十里道元

斥晏伏之非是已但拒艾水於東城東南既折而東流直不

續山東考古錄 卷之十四 膠州 二 蝸角尖廬

能逕東城之西况其西四十里乎寰宇記拒城在高密西南

二十里今高密南有拒城河西北合五龍河其水不源黔艾

山非東北入海其非拒艾水無庸辨而東去黔陬東城古里

約得四十里疑晏伏誤以此水為膠水道元知其誤又誤以

為拒艾水也至又東北逕晏伏所謂至者也二十字文義亦

殊費解拒城在州東南已近洋水入海處已逕拒城西無又

逕黔陬城之理似逕拒城西之下即接又東入海句此二十

字蓋上下文之重出且有脫誤者 黔陬一縣兩城其同時

兩城耶抑後所徙治耶或自東徙西或自西徙東自秦至後

齊何代治何城均不可考或曰一縣兩城若東西壽光南北

博昌東西諸城皆非一縣有兩治亦非後所徙道元疑西城爲邦縣城則後魏時縣治東城可知西城當別有本名余疑爲古介國城也備考 拒城今猶名王城俗訛城爲昌今洋水自發源至入海惟逕此一城在高密西南之說誤 邦城道元已自兩歧然漢志膠水發源邦縣當以前說爲是齊乘被城膠州西南七十里漢被侯國俗曰肥城音之轉也記寰宇謂被城無跡可考當在臨朐者非是按一統志廢被縣又名木馬城然則是黔陬東城耳

後漢青州東萊郡黔陬縣葛盧縣北海國夷安縣地魏黔陬屬城陽郡葛盧未詳省否

續山東考古錄

卷之十四

膠州

三 蝸角尖廬

葛盧縣故城未詳後漢志縣有尤涉亭

姑尤本兩水蓋台流後通稱也當在

州東北境

後漢志北海有拒縣挺字訛也

詳萊陽

紀要稱改屬誤蓋省入

黔陬邦亦省入黔陬水經膠水出黔陬可證

晉青州城陽郡黔陬縣及夷安縣地元康十年黔陬屬高密國劉宋青州高密郡黔陬縣及夷安縣地

後魏膠州高密郡黔陬縣及夷安縣地東武郡梁鄉縣地

魏志黔陬有黔陬城當指西城非移治又梁鄉有梁鄉城金志膠西縣有梁鄉鎮或以爲縣治者備考

高齊膠州平昌郡治黔陬縣周因之

隋志膠西下舊曰黔陬置平昌郡開皇初廢蓋自郿城徙此

隋膠西縣地開皇初廢平昌郡黔陬屬密州十六年析置膠西

縣大業初省黔陬入之又琅邪縣地隋志琅邪有徐山在州境

唐高密縣地諸城縣地後漢書淳于恭傳章懷注黔陬故城在

道記黔陬城在郡東北一百一十里西城五代因之

宋京東東路高密州膠西縣元祐三年析高密之板橋鎮及諸

城地置兼臨海軍使齊乘以板橋為唐鎮

宋膠西縣故城在西門外迤北今土城口

金山東東路密州膠西縣

元都省山東益都路膠州治膠西縣太祖於縣置膠州

續山東考古錄 卷之十四 膠州 四 蝸角尖廬

元膠西縣即今州治至正十七年州縣並徙

明山東布政司萊州府膠州洪武初廢膠西縣其地直隸於州

屬青州府九年來屬附洪武二十一年置靈山衛

靈山衛故城在南微東九十里

國朝因之 裁靈山衛

州志舊志乾隆十七年修知州宋文錦沿革新志葛盧下

新志道光二十五年修知州張同聲稱尤涉亭為范氏原注按郡國志乃晉司馬彪撰 晉黔

陬高密國都引武英殿水經注按語晉黔陬為高密郡治

按晉志無高密郡惠帝元康十年置高密國附見於青州

郡國後據云又分城陽之黔陬等十一縣置此按語第以

此十縣雖稱十一縣實止十縣黔陬居首而云然夫晉志中首列之

縣非郡國治者甚多况附載之文乎 晉黔陬屬高密國

其前承魏猶曰郡也按魏無高密郡晉初亦無高密國

宋黔陬屬高密倚郭按據晉志附載之文以為晉國治且

不可以之例宋可乎 黔陬宋書州郡志屬城陽又云屬

青州高密郡按州郡志黔陬下稱太康地志屬城陽並非

宋屬城陽 齊有梁鄉周無並無依據 五代但書板橋

鎮何縣之鎮耶 國朝書裁衛明不書置衛不合

### 高密縣

周萊夷維邑後入齊維以維水得名

續山東考古錄 卷之十四 高密縣 五 蝸角尖廬

漢志夷安下應劭曰故萊夷維邑史記管晏列傳晏平仲萊

夷維人也續通典高密春秋時晏平仲所食邑按唐高密即

漢夷安非謂漢高密也路史密國今高密有密鄉誤詳昌邑

漢青州高密國治高密縣漢初為膠西郡屬齊國文帝十六年

別為膠西國景帝前三年國除為郡王邛以反誅旋復為國武帝元

封三年國除為郡王邛無後宣帝本始元年復為國改名高密又夷

安縣石泉縣高密共五縣王邛時削國大半初領縣尚多也又北海郡膠陽縣

漢志高密國故齊文帝十六年別為膠西國宣帝本始元年

更名高密國蓋膠西治高密故宣帝改為高密史記漢興以

來諸侯王年表文帝十五年分國在十五年而十六年為王邛元年分齊為膠

西國都宛此密字形訛元和志文帝分齊立膠西國都高密是也乃徐廣注云樂安有宛縣水經注沿其誤稱膠西都高

苑見新城高苑屬千乘膠西本齊之膠西郡能治高宛耶三國志袁

譚使王脩運糧於樂安間譚急將所領兵往赴之至高密聞譚死云云是時譚被圍於南皮樂安縣今博興自樂安赴南皮逕高宛不逕高密此密字又宛字形訛與此相反而適相同通鑑胡注亦沿徐氏之誤

高密縣故城在西南四十里又名城陰城又名龍且城 高

密南都城在西南五十許里並詳下

石泉縣故城在西南七十里水經注濰水自東武縣又北逕石泉

縣故城西又北逕平昌縣東密水兩源西源出奕山亦曰鄣

日山諸城東十里東源出五弩山諸城東五十里同寫一壑北逕高密縣

續山東考古錄 卷之十四 高密縣 六 蝸角尖廬

西此入高密境非逕其城注濰水自下亦兼通稱焉流歷縣西碑產山

諸城東北五十里今巴山西又東北有故堰斷濰水廣六十許步掘東岸

激通長渠東北逕高密故城南明帝永平中封鄧震為侯國

縣南十里蓄以為塘方二十餘里縣南指下文縣城南故云十里若此城塘即在城南

矣蓋南都城在縣南十里而近古所謂高密之南都也溉田一字有誤頃陂水

散流下注夷安澤自有故堰至此即膠水篇所謂濰水支津也濰水自堰北逕高

密縣故城西漢文帝十五年別為膠西國又北昔韓信與楚

將龍且夾濰水而陣於此斬龍且於是水水西有厲阜據此

是高密有兩城在碑產山北者乃南都城道元係鄧震侯國

於彼稱城不稱縣或後漢別築侯城或前漢高密國已有南

都城均不可知近志惟以此爲縣城非也元和志龍且城在  
高密縣西南五十五里此蓋據隋縣言故里數小異按注於濰水逕高密

縣城後指爲韓信破龍且處如有是城不應失載考其時或  
謂龍且曰漢兵遠鬪窮戰其鋒不可當齊楚自居其地兵易

敗散不若深壁令齊王使其信臣招所亡城云云龍且不聽  
是龍且至此急欲一戰壁壘且未立焉有築城之事乎今龍

且城北曰城陰鋪據鄭康成碑高密城一曰城陰城據齊乘  
龍且城一名城陰城是龍且城即高密縣城有明證矣世以

南都城爲縣城而此城近破龍且處遂以龍且名之耳寰宇  
記高密縣稱故城在縣西南四十里記云漢夷安縣今東南外城即夷安城也屬高

續山東考古錄

卷之十四

高密縣

七

蝸角尖廬

密國故城在縣西南四十里按夷安城一條至屬高密國句已完其下當另有高密縣或高密國三字與下故城二字爲一句合下文另是一條此蓋脫去三字混作此外無龍且城

或有見於此史記樂毅傳樂臣公亡齊之高密是戰國已有此地名又曹參傳從韓信擊龍且軍於上假密齊乘稱石泉城即昌安城

考證已辨其誤

夷安縣今縣治

詳下

膠陽縣故城在西北三十里水經注膠水自黔又北過夷安

縣東縣西去濰水四十里又北逕膠陽東晏伏謂之東亭此膠

陽縣東境之亭膠水不逕膠陽城下自亭結路南通夷安地理風俗記曰淳于

縣東南五十里有膠陽亭此方是又東北張奴水今漲自夷

安東南阜下西北歷膠陽縣注於膠水之左東北爲澤謂之  
夷安潭互詳水考按唐高密卽漢夷安元和志夷安澤在高密北  
二十里今縣北二十里之百脈湖及東北二十里之都泊皆  
古夷安澤今治仍唐舊卽漢夷安城也近志或以膠陽城爲  
夷安城又或謂夷安城在南十五里皆非也又詳寰宇記  
高密縣高陽故城漢縣在縣西北三十四里一名膠陽亭蓋  
漢之高陽縣舊理又一條云廢高陽縣在縣西北四十三里  
卽上文里數而傳寫倒者齊天保七年云云詳臨淄按此俗訛膠爲高樂氏  
混入漢高陽詳莒州已繆又混入齊之高陽縣一城兩見又似  
縣有兩高陽城斯繆之繆矣齊乘沿其誤考證已辨之

續山東考古錄

卷之十四

高密縣

八 蝸角尖廬

寰宇記高密縣稻城舊地理書皆失所在今縣西南故濰水  
堰之側漢朝於此立堰造塘溉稻田數千頃因以爲名按舊  
旣失所在第據地產稻而臆度之竊謂未當稻縣漢屬琅邪  
濰水堰以北皆高密國地能有琅邪屬縣乎其後又一條云  
萬疋梁郡國志高密縣西有鄭元宅亦曰鄭城元後移葬於  
厲阜墓側有稻田十萬頃一墓之側那得如許多田與前之數千頃皆失之多而水經注之一  
頃又何少耶此等處皆有脫誤斷水造魚梁歲收億萬號萬疋梁此又厲阜  
旁之稻田與前稻城無涉齊乘云稻城高密西南土人呼濰  
水堰爲趙貞女防南有高堤謂是岑彭冢皆繆此卽稻城遺  
蹟春秋稱琅邪之稻自漢有塘堰郡國志亦謂之鄭城旁有



稻田萬頃號萬疋梁按此又混稻城鄭城爲一旦春秋時邾  
藉邾稻邾卽漢開陽縣後漢琅邪國治徐陵因有藉琅邪之  
稻之語前漢地猶屬東海以爲春秋琅邪可乎以爲春秋之  
文可乎以爲在高密國地可乎至通志遂有鄭康成故里在  
稻城之說然則鄭康成傳北海高密人當改作琅邪稻縣人  
矣展轉乖繆何其甚耶

紀要稻城在高密西南五十里似誤以高密南都城當之

又拒城在縣西南三十里疑後人因酈氏以黔陬西四十里  
之水爲拒艾水而附會者

詳膠州

後漢青州北海國高密縣建武十三年併高密國入北海中興

省夷安縣安帝復又平昌縣地

水經注引地理風俗記曰平昌縣東南四十里有石泉亭

續山東考古錄 卷之十四 高密縣 九 蝸角尖廬

于縣地

淳于與膠陽平城密鄉皆中興省淳于復置三縣地屬之

齊乘高密縣禹初封國禹上脫鄧字

晉青州城陽郡高密縣夷安縣及平昌縣地淳于縣地元康十

年復置高密國

晉後魏國郡治史無明文姑係此備考 二縣並屬

晉志無夷安劉宋志夷安晉太康地志屬城陽魏志夷安晉

屬城陽則晉志闕也又晉志惠帝元康十年又分城陽之黔

陬壯武淳于昌安高密平昌營陵安邱大劇臨朐十一縣爲

高密國按明言十一縣實十縣劇無大劇之名大字卽夷字

缺文又脫安字也營陵以下四縣太康時已屬東莞

劉宋青州高密郡高密縣夷安縣及淳于縣地又平昌郡平昌

縣地

劉宋高密郡治桑犢故城見濰縣或曰晉國治即在彼備考

後魏膠州高密郡高密縣夷安縣及平昌縣地平昌郡淳于縣

地高齊省淳于入高密

夷安當亦齊省

周因之

元和志高密後齊廢誤

魏志高密有高密城當指南都城或曰已徙治即隋縣備考

又夷安有夷安城未詳徙治何所或曰即唐初高密備考

隋

高密州郡

高密縣膠西縣開皇十六年析黔陬置膠西縣大業

初省黔陬入膠西隋亂二縣廢

隋高密縣故城在東南二十里今故縣社寰宇記隋開皇中

於今縣東南三十里復置高密縣按或隋徙治耳非復置

膠西縣故城在東南三十里今朱晏城按晏子食邑於維即

續山東考古錄

卷之十四

高密縣

十

蝸角尖廬

夷安治此城側有晏王塚或俗因以名城歟

又稱晏王城

舊唐

志高密隋末大亂廢之 寰宇記膠西大業九年因賊廢

唐河南道

高密州郡

高密縣武德三年復六年省膠西入之五代

因之

膠西亦唐初復

唐武德三年

至

五年高密縣故城在西北

里義城堡六年

徙漢夷安城舊唐志武德三年於義城堡置高密縣六年併

膠西兩縣移就故夷安城舊漢高密縣也

高密國屬縣也

仍廢膠西

縣

據此似高密膠西兩縣并徙治夷安城後始省膠西者

按括地志稱漢高密縣故城

在高密縣西北二十里括地志成於貞觀時高密即今治漢

高密故城不得在西北也其時徙夷安城未久或以唐初所

治爲漢城耳紀要稱義城堡在西北一里據府志在西北一里者仍夷安城故址未審紀要何據而云然也再考

宋京東東路高密州高密縣元祐三年復析置膠西縣

金山東東路密州高密縣

元都省山東益都路膠州高密縣

通典高密下古夷安城今縣外城寰宇記齊乘並同齊乘又云西北舊城乃宋縣似誤以義城堡爲宋縣與寰宇記顯不合矣通志據之謂今治乃元初所徙而漢夷安城在東南十五里又謂今志所載山川古蹟里數較寰宇記偏西北十餘里意謂宋自夷安城徙於今治西北十許里元又徙今治而

續山東考古錄

卷之十四

高密縣

七

蝸角尖廬

寰宇記高密縣理卽夷安城齊乘今縣理正古夷安城將何說以解之耶謂山川古蹟皆徧西北十餘里似元東南徙矣而膠西城記作二十里今作三十里膠陽亭記作三十四里今作三十里又似元代西北徙者復何說耶至厲阜漢高密城縣至諸城里數又皆吻合則濰水記在西四十里今作五十膠水記在東三十里今十里今作二十隋高密城前見里數互異或水道移徙或傳寫訛誤縣爲夷安城三書既有明據則此亦不足疑矣

明山東布政司萊州府膠州高密縣洪武九年屬青州府九年屬府尋來屬

國朝山東布政司萊州府高密縣

縣志

卽墨縣

周夷國後入齊

春秋隱公元年左傳紀人伐夷杜注今城陽壯武縣

漢徐州琅邪郡不其縣皋虞縣青州膠東國壯武縣西北當有卽墨縣地

不其縣故城在西南二十七里今不其社

皋虞縣故城在東北五十里今皋虞社

壯武縣故城在西六十里今南古城

後漢青州北海國壯武縣中興省安帝復又東萊郡不期縣魏

不期屬長廣郡壯武屬城陽郡

續山東考古錄

卷之十四

高密縣

七

蝸角尖廬

晉青州城陽郡壯武縣長廣郡不其縣元康十年壯武屬高密

晉書張華傳封壯武郡公考晉無此郡當是升縣置如羊祜

封南城郡侯之例但祜未受封則並未置郡而所屬五縣見

於本傳詔書華已受封則已置郡而所屬反不可考惠帝又

以屬高密則置郡未幾復廢耳元和志寰宇記並稱華封壯

武侯考華初封廣武縣侯非壯武 本傳又云所封壯武郡

桑化爲柏五行志稱壯武國

寰宇記不其城晉於此置長廣郡第據晉志郡首不其耳考

劉宋明帝泰始三年沈文秀所署長廣太守劉桃根戍不其

城或晉宋郡治此亦未可知備考

劉宋青州長廣郡不其縣

寰宇記壯武宋省

泰始四年置東青州

後魏光州長廣郡不其縣高齊省入長廣縣周因之

隋東萊州郡

即墨縣開皇十六年復置於此

隋即墨縣即今治通典即墨有樂毅城則隋復置於此而即

墨故地仍有析入者也寰宇記樂毅城係膠水則宋初已割

入膠水縣西北境當與今同矣

唐河南道

東萊州郡

即墨縣五代因之

宋京東東路

東萊州郡

即墨縣

金山東東路萊州即墨縣

元都省山東益都路膠州即墨縣至元二年省入掖縣後復

續山東考古錄

卷之十四

即墨縣

三

蝸角尖廬

元志萊州下至元二年又省即墨入掖而膠州仍有即墨縣

明史即墨下云明初復縣學宮有王思誠碑董令重建廟學

在至正十二年是元復置矣

明山東布政司萊州府膠州即墨縣初屬青州府九年屬府十

年還屬

附

洪武二十一年置鰲山衛雄崖浮山二千戶所

鰲山衛故城在東四十里 雄崖所故城在東北九十里

浮山所故城在南七十里

國朝山東布政司萊州府即墨縣 裁衛所

縣志

乾隆二十八年修知縣尤淑孝

沿革周夷國後入齊為即墨按即

墨未必非夷地而縣並非古即墨 漢膠東國景帝三年

爲郡按景帝三年王雄渠以反誅武帝旋封於此七年爲  
太子國除一年又封康王寄於此如志說是景三年後終  
爲郡矣不合况縣境有前漢琅邪二縣全境僅有膠東一  
縣之半不當獨載膠東而遺琅邪 建武中析不其爲汜  
鄉侯國按鄉侯仍隸於縣不可云析前漢何武封汜鄉侯  
在不其旋徙南陽犍縣後漢卓崇果否食此史無明文不  
載彼而載此亦不合 三國魏隸濟南郡按據脫誤之晉  
志以例魏已繆况與今縣無涉 晉隸濟南郡元康間分  
隸高密按此混卽墨壯武爲一 高齊以前皆古卽墨沿  
革 封建有膠東侯恁按誤膠陽爲膠東

萊州府補遺

山左金石志有漢鏡銘曰東萊壽光紀侯作鏡如有神考淄川國治劇縣卽古紀國不得又立侯國北海劇是縣侯國不能屬壽光後漢紀亭屬劇縣不屬壽光壽光亦從未屬東萊余謂此非地名乃人姓名也後漢書方術傳有壽光姓而侯名者能劾治鬼神此作鏡者似卽其人或本兩名史佚一字否則紀侯其字銘云如有神非能治鬼神者所爲乎縱非卽壽光侯以爲地名旣無一合則亦人姓名無疑也金石志未之考及以爲劇是縣侯國紀爲亭侯邑卽不復屬劇而當屬壽光不知紀在前漢是則縣非亭後漢劇縣乃北海國治並非侯國又云東萊之平續山東考古錄

萊補

一 蝸角尖廬

度當利與壽光接壤安知壽光不曾隸東萊更未之及乎夫平當壽光之間後漢尙有下密都昌平壽三縣壽光安得隸東萊乎又云西漢恩澤侯表有陳倉侯紀爲所作鏡未可知所考者紀亭侯乃以陳倉侯名紀者當之刺繆不值一辨矣